

01/e-50-1

25-04-2012

BOSNA I HERCEGOVINA
VIJEĆE MINISTARA
Generalno tajništvo

Broj: 05-50-1-822/12
Sarajevo, 23. 4. 2012. godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 25-04-2012			
Organizaciona jedinica	Klasifikaciona oznaka	Broj	Broj priloga
01-50-1		15-20/12	

PARLAMENTARNA SKUPŠTINA BiH

- Zastupnički dom -

SARAJEVO

PREDMET: Odgovor na zastupničko pitanje – dostavlja se

Vijeće ministara Bosne i Hercegovine je na 5. sjednici održanoj 18. 4. 2012. godine utvrdilo Odgovor na zastupničko pitanje koje je postavio Lazar Prodanović zastupnik u Zastupničkom domu Parlamentarne skupštine Bosne i Hercegovine.

U privitku prosljeđujemo Odgovor radi njegova dostavljanja zastupniku.

S poštovanjem,



GENERALNI TAJNIK
Zvonimir Kutleša



**BOSNA I HERCEGOVINA
VIJEĆE MINISTARA**

Broj: 05-50-1-822/12
Sarajevo, 23. 4. 2012. godine

Na 20. sjednici Predstavničkog doma Parlamentarne skupštine Bosne i Hercegovine održanoj 2. 2. 2012. godine, poslanik Lazar Prodanović postavio je slijedeće poslaničko pitanje:

„Koliki je broj izbjeglih i raseljenih lica zaključno sa krajem 2011. godine koji se nalaze u kolektivnim centrima u Bosni i Hercegovini? Kakav je plan ovog Ministarstva kao i entitetskih ministarstava za izbjegla i raseljena lica da se ovaj problem riješi i do kada?“

Na postavljeno poslaničko pitanje, Vijeće ministara Bosne i Hercegovine, u smislu člana 37. Zakona o Vijeću ministara Bosne i Hercegovine ("Službeni glasnik BiH", br. 30/03, 42/03, 81/06, 76/07, 81/07, 94/07 i 24/08), na 5. sjednici održanoj 18. 4. 2012. god. utvrdilo je slijedeći:

ODGOVOR

U dva entiteta postoje i različite forme kolektivnog zbrinjavanja. Međutim, za razliku od Federacije BiH, u kojoj još uvijek postoje namjenski objekti kao zvanično priznati kolektivni centri, ali i ostali oblici kolektivnog smještaja, u Republici Srpskoj, kao kolektivni oblici zbrinjavanja raseljenih osoba pojavljuju se objekti prilagođeni za ove namjene, a to su objekti bivših škola, domova kulture, kasarni, domova zdravlja i slično, sa veoma lošim uslovima smještaja, te zakupljeni objekti kolektivnog smještaja, a to su uglavnom objekti hotela ili motela ili objekti preduzeća koji su služili za smještaj njihovih radnika. I u ovim objektima standard zbrinjavanja raseljenih osoba je na veoma niskom nivou.

Uz osobe koje imaju formalno pravni status raseljenih, u kolektivnim oblicima zbrinjavanja borave i mnogobrojene *de facto* raseljene osobe, kao i veliki broj ostalih osoba koje nisu raseljene, ali koje kolektivne oblike stanovanja koriste po različitim osnovama, odnosno usljed neraspoloživosti drugog, adekvatnijeg oblika stanovanja, kao osnova socijalne sigurnosti građana.

Revidiranom strategijom Bosne i Hercegovine za provedbu Aneksa VII Dejtonskog mirovnog sporazuma, koju je Parlamentarna skupština BiH usvojila 2010. godine, zatvaranje kolektivnih centara prepoznato je kao nesumnjiv prioritet.

Identificirana je neophodnost osmišljavanja decidnih i jednoobraznih kriterija za procjenu posebnih potreba stanara u kolektivnim centrima/alternativnom smještaju kako bi se definirale dugoročne mjere za postizanje trajnog rješenja.

Također, za konačno zatvaranje kolektivnih centara potreban je transparentan i multidisciplinarni pristup za osiguranje trajnih rješenja za sve ljude koji su smješteni u kolektivnim centrima.

S tim u vezi, u Revidiranoj strategiji usvojene su sljedeće preporuke i mjere za unaprijeđenje stanja u odnosu na identificirani problem.

U cilju konačnog zatvaranja kolektivnih smještaja utvrditi metodologiju snimanja stanja u ovoj oblasti na području BiH:

- U skladu sa stvarnim i iskazanim potrebama trenutnih korisnika kolektivnih centara izraditi programe i projekte koji će za cilj imati potpuno pražnjenje ovog vida stanovanja. Naročitu pažnju neophodno je posvetiti posebno ranjivim kategorijama kao što su djeca bez roditelja, samohrane majke, stari, bolesni i invalidne osobe, kako bi se osigurao adekvatan pristup njihovim pravima.
- Obaviti sveobuhvatno individualno profiliranje svih stanara u kolektivnim centrima/alternativnom smještaju radi osmišljavanja primjerenih trajnih rješenja za najugroženije osobe (od jedinstvenih projekata povratka, do osiguranja institucionalne zaštite i/ili socijalnog stanovanja u mjestima raseljenja itd.);
- Utvrditi i osigurati zakonske i proceduralne mjere zaštite koje uređuju proces uz potpuno poštivanje prava raseljenih osoba, uključujući sprečavanje posljedica prisilnih deložacija na osobe koje su u stanju potrebe i osigurati pristup dostojanstvenom i trajnom stanovanju za osobe u stanju potrebe;
- Ograničiti svako novo smještanje u postojeće kolektivne oblike zbrinjavanja i spriječiti formiranje i nastanak novih, bilo formalnih, bilo neformalnih kolektivnih oblika stambenog zbrinjavanja, te umjesto toga osigurati drugi vid adekvatnog stanovanja za one koji su u stanju potrebe.

U cilju implementacije ovih preporuka, Ministarstvo za ljudska prava i izbjeglice BiH, u saradnji sa UNHCR-om i resornim entitetskim ministarstvima pokrenulo je aktivnosti na pripremi posebnog projekta koji će biti prosljeđen na finansiranje Razvojnoj banci Vijeća Evrope (CEB) kroz dodjelu kredita sa učešćem Bosne i Hercegovine, uz jasno iskazanu namjeru CEB da sredstva odobri. Aplikacija za kredit koju će proslijediti UNHCR kao agencija koja je angažirana na izradi projektnog prijedloga, je u fazi finalizacije i očekuje se da će je polovinom godine Upravni odbor CEB razmatrati i odobriti projektni prijedlog BiH.

Kao početni korak u pripremi projekta, izvršeno je sveobuhvatno profiliranje svih kolektivnih oblika zbrinjavanja u BiH i utvrđeno je sljedeće stanje:

Na području Bosne i Hercegovine ukupno je 156 kolektivnih oblika zbrinjavanja, u kojima trenutno boravi sveukupno 7.965 osoba.

Od tog broja, u 28 općina FBiH je 107 kolektivnih centara sa ukupno 5.586 korisnika, na području 24 općine RS ima 43 kolektivnih smještajnih kapaciteta u kojima boravi 2.021 korisnika, dok je preostalih 358 osoba smješteno u 6 kolektivnih naselja na području Brčko distrikta BiH.

Projektom je predviđeno stambeno zbrinjavanje za 2.384 porodice, svega 6.437 osoba kojima će kroz različite vidove pomoći biti osigurana trajna rješenja, i to:

Područje	Korisnici alternativnih smještaja		Korisnici kolektivnih centara		UKUPAN BROJ KORISNIKA	
	Porodica	Osoba	Porodica	Osoba	Porodica	Osoba
FBiH	338	896	1.202	3.503	1.540	4.399
RS	188	389	372	731	556	1.112
BD	0	0	288	928	288	926
BiH-ukupno	526	1.285	1.862	5.162	2.384	6.437

Ukupna vrijednost projekta iznosi gotovo 78 miliona eura, a detaljan prikaz rasporeda troškova, uključujući i vlastito učešće, dat je u donjoj tabeli.

Područje	Troškovi projekata (€)	Vlastito učešće (€)	Negotovinsko učešće (vrijednost zemljišta €)	Iznos vlastitog finansijskog učešća (€)	Iznos CEB kredita (€)
FBiH	50,104,416	13,652,789 (27%)	8,444,075	5,208,715	36,451,627 (73%)
RS	22,376,626	5,259,266 (24%)	2,354,682	2,903,773	17,117,360 (76%)
BD	5,248,850	3,838,000 (73%)	3,705,000	268,000	1,410,050 (27%)
BiH-ukupno	77,729,892	22,750,056 (21%)	14,503,757	8,380,488	54,979,836 (71%)

77 projektnih komponenti obuhvata:

30 projekata: obnova

46 projekata: izgradnja nove zgrade namijenjene za neprofitno socijalno stanovanje

1 projekat: kupovina objekta (zgrade) namijenjene za neprofitno socijalno stanovanje

14 projekta namijenjeno je za osobe sa posebnim potrebama:

3 gerijatrijska centra ce se proširiti (Doboj, Goražde, Trebinje)

1 psihijatrijski centar ce se proširiti (Jakeš-Modriča)

10 projekata uključuje opremu za osobe sa posebnim potrebama

Rezimirano, 6.437 osoba (2.384 porodice) dobiće adekvatno stambeno rješenje, čime će se omogućiti zatvaranje 114 kolektivnih centara odnosno 72% od ukupnog broja, i to:

100% u Brčko distriktu BiH

72% u FBiH, od kojih:

- 100% u kantonima 1, 5, 8, 9 i 10
- 87.5% u kantonu 7 (7 od 8 KC će biti zatvoreno)
- 83% u kantonu 4 (5 od 6 KC će biti zatvoreno)
- 73% u kantonu 3 uključujući 100% KC u Srebreniku i Živinicama.

60% u RS, a uz druge tekuće inicijative komplementarno CEB projektu omogućiće se potpuno zatvaranje svih kolektivnih oblika zbrinjavanja na području ovog entiteta.